

No. Ruj. : (33) PSMB/19/25/1 Kulit 2
Tarikh : 01 Jun 2021

Pengerusi
Board Of Engineers Malaysia

Y.Bhg. Tan Sri/ Datuk Seri/ Datuk/ Tuan/ Puan,

PERLUASAN LIPUTAN AKTA PEMBANGUNAN SUMBER MANUSIA BERHAD, 2001

Dengan segala hormat saya merujuk kepada perkara di atas.

2. Liputan Akta Pembangunan Sumber Manusia Berhad, 2001 (Akta PSMB, 2001) telah diperluas ke semua industri melalui perintah bil. P.U. (A) 84/2021 yang telah diwartakan pada 26 Februari 2021 dan berkuatkuasa pada 1 Mac 2021 di mana majikan terkesan wajib berdaftar dan membayar levi sumber manusia kepada Kumpulan Wang Pembangunan Sumber Manusia (KWPSM) di bawah pengurusan HRD Corporation (HRD Corp). Ini adalah sebahagian daripada agenda kerajaan bagi menambahbaik peraturan dan bantuan pembiayaan dengan memperluaskan akses dana latihan berdasarkan kerangka sedia ada. Perkara ini bertujuan memperkukuhkan pembelajaran sepanjang hayat untuk meningkat dan mempelbagaikan kemahiran rakyat Malaysia sejajar dengan perubahan permintaan pasaran buruh hari ini.

3. Dalam usaha membantu kerajaan memastikan pembangunan modal insan yang berterusan bagi kelangsungan pekerjaan bagi setiap warga kerja di Malaysia tanpa meminggirkan mana-mana kelas pekerjaan, Kementerian Sumber Manusia (KSM) menerusi HRD Corp bertanggungjawab menggaris dasar yang diperlukan oleh negara ketika ini. HRD Corp percaya perluasan Akta PSMB, 2001 akan memberi nilai tambah yang berkesan dan berupaya merancang serta memantapkan lagi pembangunan modal insan di semua peringkat pekerjaan dan industri di negara ini.

4. HRD Corp memahami kesan pandemik Covid-19 ke atas ekonomi dan mengambil maklum akan permintaan daripada industri-industri yang terkesan. Justeru, perbincangan dengan KSM telah diadakan bagi memastikan perluasan Akta PSMB, 2001 ini dapat dilaksanakan dengan baik dalam keadaan ekonomi masa kini. Sehubungan itu, sukacita dimaklumkan bahawa **Yang Berhormat Menteri Sumber Manusia telah bersetuju untuk memberi pengecualian pembayaran levi kepada majikan** berdasarkan syarat di bawah:

a) Majikan yang diliputi di bawah Perintah Pindaan Jadual Pertama, Akta PSMB, 2001 (P.U.(A) 84/2021) bermula 1 Mac 2021;

b) Majikan tergolong dalam para (a) dan **BERDAFTAR dengan HRD Corp SEBELUM 1 Julai 2021 adalah LAYAK** mendapat pengecualian levi sebagaimana yang dinyatakan; dan

c) Tempoh pengecualian levi bermula dari 1 Jun 2021 hingga 31 Disember 2021.

5. Pihak HRD Corp memohon agar keputusan ini dapat dipanjangkan kepada majikan-majikan yang terlibat di bawah seliaan pihak tuan.

Sekian, terima kasih.

Delivering Quality, Developing Excellence

Yang benar,



**WAN YON SHAHIMA BINTI WAN OTHMAN
CHIEF CUSTOMER OFFICER
PEMBANGUNAN SUMBER MANUSIA BERHAD**